

Vrug van die Heilige Gees

Hand 15:1-29

Gal 5:18-27

Hand 15: Daar het mense van Judea af gekom en die gelowiges wysgemaak: “As julle nie die gebruik van Moses nakom deur julle te laat besny nie, kan julle nie gered word nie.” ²Toe Paulus en Barnabas hulle daarteen verset en in ’n heftige meningsverskil met hulle betrokke geraak het, is daar besluit dat hulle twee en nog ’n paar ander van die gemeente na die apostels en ouderlinge in Jerusalem moet gaan in verband met hierdie vraagstuk.

³Nadat die gemeente hulle van die nodige vir die reis voorsien het, het hulle deur Fenisië en Samaria gegaan en vertel van die bekering van die heidene. Hieroor was al die gelowiges baie bly. ⁴Toe hulle in Jerusalem aankom, is hulle deur die gemeente, die apostels en die ouderlinge verwelkom. Hulle het vertel wat God alles deur hulle gedoen het, ⁵maar party van die gelowiges wat vroeër Fariseërs was, het na vore gekom en gesê: “Die bekeerlinge moet besny word en aangesê word om die wet van Moses te onderhou.”

⁶Die apostels en die ouderlinge het toe bymekaargekom om hierdie vraagstuk te bespreek. ⁷Na 'n lang bespreking het Petrus opgestaan en vir hulle gesê: “Broers, julle weet dat God my lankal uit julle geledere gekies het om die evangelie aan die heidennasies te verkondig sodat hulle kan glo. ⁸En God, wat die harte ken, het dit bevestig deur die Heilige Gees aan hulle te gee net soos aan ons. ⁹Hy het geen onderskeid tussen ons en hulle gemaak nie: Hy het ook hulle harte deur die geloof gereinig.

¹⁰Waarom wil julle dan nou God se geduld op die proef stel deur op die nek van die gelowiges uit die heidennasies 'n juk te lê wat ons voorvaders nie in staat was om te dra nie en ons ook nie? ¹¹Nee! Ons, en ook hierdie gelowiges, glo dat ons net deur die genade van die Here Jesus gered word.”

¹²Daarna het al die mense stilgebly en na Barnabas en Paulus geluister. Hulle het vertel van die tekens en wonders wat God deur hulle onder die heidennasies gedoen het. ¹³Toe hulle klaar was, sê Jakobus: “Broers, luister na my!

¹⁴Simon het verduidelik hoe dit God self is wat begin het om na die heidennasies om te sien deur vir Hom 'n volk uit hulle te versamel. ¹⁵Die profete sê dieselfde. Daar staan geskrywe: ¹⁶Daarna sal Ek terugkom, en Ek sal die vervalle huis van Dawid weer opbou, en Ek sal sy bouvalle herstel en dit weer regmaak, ¹⁷sodat al die ander mense die Here kan soek, ja, al die heidennasies wat Ek geroep het om my eiendom te wees, sê die Here wat hierdie dinge doen.

¹⁸“Dit is van ouds af bekend. ¹⁹Daarom meen ek dat ons dit nie moeilik moet maak vir die heidene wat hulle tot God bekeer nie. ²⁰Maar ons moet vir hulle skrywe om nie vleis te eet wat aan ’n afgod geoffer is nie, want dit is onrein; dat hulle onsedelikheid moet vermy, geen dier wat verwurg is, moet eet nie, en ook nie bloed nie. ²¹Hierdie voorskrifte van Moses word immers van ouds af in elke stad aan die mense voorgehou. Elke sabbatdag word dit in die sinagoges voorgelees.”

²²Daarna het die apostels en die ouderlinge saam met die hele gemeente besluit om mense uit hulle geledere saam met Paulus en Barnabas na Antiogië toe te stuur. Hulle het vir Judas, wat ook Barsabbas genoem is, en vir Silas gekies, manne wat die agting van die gelowiges geniet het. ²³Hulle het die volgende brief saamgestuur: “Van die apostels en die ouderlinge, julle broers. Aan die gelowiges uit die heidendom in Antiogië, Sirië en Silisië. Groete.

²⁴Ons het gehoor dat daar mense van ons af gekom het wat julle verwar en ontstel het deur dinge te sê waarvoor hulle geen opdrag van ons ontvang het nie. ²⁵Daarom het ons eenparig besluit om manne te kies en na julle toe te stuur. Hulle vergesel ons geliefde Barnabas en Paulus, ²⁶wat hulle lewe gewaag het vir die Naam van ons Here Jesus Christus. ²⁷Ons stuur nou vir Judas en Silas om ook mondeling hierdie dinge aan julle oor te dra.

²⁸Die Heilige Gees en ons het besluit om geen verdere las op julle te lê as net hierdie noodsaaklike dinge nie: ²⁹dat julle nie vleis moet eet wat aan 'n afgod geoffer is nie, ook nie bloed nie en ook geen dier wat verwurg is nie, en dat julle onsedelikheid moet vermy. As julle julle van hierdie dinge weerhou, doen julle reg. Hartlike groete.”

Gal 5: ¹⁸Maar as julle julle deur die Gees laat lei, staan julle nie meer onder die wet nie. ¹⁹Die praktyke van die sondige natuur is algemeen bekend: onsedelikheid, onreinheid, losbandigheid, ²⁰afgodsdienste, towery, vyandskap, haat, nabyer, woede, rusies, verdeeldheid, skeuring, ²¹afguns, dronkenskap, uitspattigheid en al dergelike dinge. Ek waarsku julle soos ek julle al vroeër gewaarsku het: Wie hom aan sulke dinge skuldig maak, sal nie die koninkryk van God as erfenis verkry nie.

²²Die vrug van die Gees, daarteenoor, is liefde, vreugde, vrede, geduld, vriendelikheid, goedhartigheid, getrouheid, ²³nederigheid en selfbeheersing. Teen sulke dinge het die wet niks nie. ²⁴Dié wat aan Christus Jesus behoort, het hulle sondige natuur met al sy hartstogte en begeertes gekruisig. ²⁵Ons lewe deur die Gees; laat die Gees nou ook ons gedrag bepaal. ²⁶Ons moenie verwaand wees, mekaar uittart of op mekaar afgunstig wees nie.

Vrug van die Heilige Gees

Die toets van die evangelie:

Hoe leef ek saam met mense
wat anders as ek is?

Christene is nogal lief vir
hulle resepte/voorskrifte

Christene is mense wat . . .

- Vir ure lank Bybelstudie kan doen en wie se Bybels vol onderstreepte verse is
- Dit geniet om die een geestelike DVD/CD na die ander te kyk/te luister
- Nooit depressief raak nie en altyd blymoedig is
- Maklik “deel van ons” raak
- Met sekerheid leef dat hulle kinders van God is

‘n Voorskrif aan die mense van
Antiogië, Sirië en Silisië:

Doen wat ons doen!
Laat jou besny

Gedwing om geloofsonderskeidend te dink . .

- God is die Een wat ons ken
- God maak geen onderskeid nie
- Waarom van hulle iets verwag wat onself nie kon doen nie?
- Ons word net deur die genade van die Here Jesus gered
- Ons redding het etiese konsekwensies

Ons lewe deur die Gees; laat
die Gees nou ook ons gedrag
bepaal

'n Lewe deur die Gees beteken . . .

- Ek is onder nuwe Bestuur
- Ek beskik nie meer oor my lewe nie
- Ek neem nie meer net my eie besluite en volg net my eie idees nie
- Ek doen nie meer net wat ander van my verwag nie
- Ek volg nou die wil van die Here
- God bepaal die rigting en etiek van my lewe

Wanneer God deur Sy Woord en
Gees oorneem, word liefde,
vreugde, vrede, geduld,
vriendelikheid, goedhartigheid,
getrouheid, nederigheid en
selfbeheersing deel van ons lewe.

'n Wettiese evangelie is 'n
valse evangelie!!

Genade – God het my lief!!

- Soms voel ek ontuis en asof ek nêrens hoort nie - God is by my
- Soms voel ek of daar nêrens ruimte is vir my nie - God ondersteun my reg om te bestaan
- Soms voel ek of ek stoksielalleen in hierdie wêreld is - God is my Vriend

- Soms voel ek of die lewe besig is om my te versmoor – God gee my die krag om op te staan
- Soms voel ek oorheers en misbruik – God kyk met sagte oë na my
- Soms voel ek skaam vir wie ek is – God aanvaar my
- Soms voel ek my bydraes word nie waardeer nie – God sien my raak
- Soms voel ek 'n mislukking – God glo in my

- Soms voel ek te behoefte – God neem my ernstig op
- Soms voel ek of my grense nie gerespekteer word nie – Vir God is ek goed genoeg
- Soms voel ek dat my uniekheid onderdruk word – God maak my vry
- Soms voel ek dat ek nie myself kan wees nie – God vertrou my

Vir só 'n God wil ek graag
volgens die wet leef!!